



Beeld: ©NP/Hollandse Hoogte/Robin Utrecht

14 juni 2024

Prologo

Den e lunanan cu a pasa, nos a tuma paso importante hunto den continuacion di e disculpa. Awe, e ocho gobernantenan involvi a informa Tweede Kamer tocante formacion di Comite di Conmemoracion di Sclavitud y tocante e encargo cu e comite lo ricibi. A propone un presidente, y awe Ministerraad a nombr'e oficialmente. Den e boletin informativo aki, gustosamente e ta introduci su mes na boso.

Tambe ta anuncia den e carta di kamer cu e reglamento pa subsidio pa iniciativa comunitario na Hulanda Europeo y na e parti Caribense di Reino lo ta publica dia 1 di juli venidero.

Dialuna 1 di juli Conmemoracion Nacional di Sclavitud Hulandes lo tuma lugar pa e di 22 biaha na e monumento di sclavitud den Oosterpark na Amsterdam. E aña aki, dia 1 di juli 2024 tambe ta marca e fin oficial di e Aña di Conmemoracion, caminda diferente actividad y evento a wordo organisa den henter e pais.

Formacion di Comite di Conmemoracion di Pasado di Sclavitud

Historia di sclavitud ta un historia di nos tur. Pa para keto na e episodio aki di nos historia y tene atencion pa conmemoracion di sclavitud bibo, ta importante pa nos conmemora hunto. Den un carta di Kamer anterior di 19 di december 2022, nos a anuncia fundacion di un Comite di Conmemoracion di Sclavitud. Pa esaki lo tin un suma di € 8 milyon disponibel anualmente.

Comite di Conmemoracion di Sclavitud den formacion lo ricibi e encargo pa:

- Tuma responsabilidad pa organisacion di Conmemoracion Nacional dia 1 di juli den henter Reino; ta trata den prome instante tocante conmemoracion di pasado di sclavitud transatlantico cu enfoke riba nificacion di conmemoracion, inclusion di henter comunidad (sin falta Afro-Surinameo, Afro-Caribense, Marron y Indigena) y e conexion den Reino y cu Suriname, te asina leu cu Suriname tambe ta desea esaki.
- Tuma responsabilidad pa aumenta conscientisacion comunitario tocante pasado di sclavitud y su impacto den presente den Reino.
- Stimula investigacion tocante pasado di sclavitud.
- Facilita y duna sosten pa desaroyo di otro conmemoracion y celebracion cu ta importante pa conmemoracion di sclavitud den Reino.
- Realisa dialogo cu Suriname tocante participacion den Comite di Conmemoracion di Sclavitud.
- Studia hunto cu e comunidad involvi si e scope di conmemoracion mester wordo amplia den futuro, sea geograficamente of tematicamente.
- Explora hunto cu partner social e posibilidad di haci dia 1 di juli un dia liber y fiesta nacional den Reino.

Pa forma e comite aki, nos a traha hopi cerca cu descendiente y otro participante di henter Reino y Suriname. Nos a discuti con un comite di conmemoracion asina por muestra y con perfil di e miembronan y presidente por ta. Un conclusion importante tabata cu no tin un manera so pa conmemoracion. Tin necesidad pa forma e conmemoracion for di cada un su propio historia, comunidad y cultura. Cu atencion pa diferente fecha y cultura di Conmemoracion. Pero tambe tin necesidad pa un conmemoracion unda tur hende por reconoce su mes den. Con pa duna esaki forma lo ta studia y desaroya mas den futuro pa comite di conmemoracion cu lo wordo forma.

NiNsee ta traha pa aña caba riba reconocimiento di conmemoracion di sclavitud y a duna un contribucion importante na conmemoracion anual dia 1 di juli den Oosterpark. Nan expertisio, experiencia y red di contacto ta esencial pa e Comite di Conmemoracion nobo. Pa motibo aki, NiNsee lo organisa e conmemoracion nacional dia 1 di juli pa en todo caso 2025 y 2026 bou di supervision di Comite di Conmemoracion. Ademá, NiNsee lo propone un candidato pa un di e posicionnan den Comite di Conmemoracion di Sclavitud den formacion.

E carta completo cu splicacion tocante e fundacion y structura di e Comite di Conmemoracion por lesa [aki](#).

Presidente di e Comite di Conmemoracion di Sclavitud ta presenta su mes na boso

Den Ministerraad awe, 14 di juni, a vota pa nominacion di Astrid Elburg como presidente di e comite aki den formacion.

Den najaar di 2024 nan lo nombra e miembronan di e comite. Pa e nominacion, representacion geografico ta e punto di salida. A pidi gobierno di e isla/ paisnan pa apunta un miembro.

Astrid Elburg a nace dia 14 di juni 1958 na Paramaribo, Suriname. Ta biba na Amsterdam. E ta un consehero di organisacion, e ta guia organisacion riba area di liderazgo inclusivo. E ta docente tambe na Vrije Universiteit Amsterdam y Nyenrode Business Universiteit. Ademá, Astrid tin hopi experiencia den gobernacion y e ta, entre otro, presidente di e Raad van Toezicht Muiderslot.

E ta presenta su mes cu placer den e video akibou.

<https://youtu.be/2ctoismMc4Q>



Reglamento pa subsidio pa iniciativa comunitario

Dia 1 di juli 2024, e reglamento pa subsidio pa proyecto comunitario na Hulanda y e parti Caribense di Reino lo ta publica den Staatscourant. E reglamento lo drenta na vigor despues. Ki dia exactamente, lo wordo anuncia mas despues. Entre e publicacion di e reglamento y e momento cu por haci peticion, lo organisa sesion informativo pa aplicante. Duranti e periodo aki, lo duna mas informacion tocante comision di conseho, e periodo pa peticion y e data di inicio exacto.

Na Suriname, ta traha riba un documento pa subsidio pa proyecto comunitario. E

documento aki ta splica ken por haci peticion pa subsidio, con e mester haci esaki, kico e meta ta y kico e condicion ta. E lo yuda den evaluacion y asignacion di subsidio. E dialogo entre Suriname y Hulanda riba e tema aki ta bay na nan propio ritmo. Suriname kier forma un plataforma pa descendiente di persona cu a wordo esclavisa y otro participante. E presidente di Suriname lo funda e plataforma [aki](#).

Dialuna 1 di juli Conmemoracion Nacional di Sclavitud Hulandes den Oosterpark

Instituto Nacional di Conmemoracion di Sclavitud Hulandes y su herencia (NiNsee) ta organisa pa di 22 biaha dialuna 1 di juli for di 2:00 pa 3:30 PM Conmemoracion Nacional di Sclavitud Hulandes na e monumento di sclavitud den Oosterpark na Amsterdam. Durante di e conmemoracion anual aki, nos ta tene un momento di reflexion riba e historia hopi doloroso di pasado di sclavitud transatlantico.

E ceremonia di conmemoracion den Oosterpark ta cuminsa 2:00 PM y lo wordo transmiti directamente riba NPO 1, BVN y via NOS.nl. E ceremonia por wordo mira via un livestream y asina ta accesibel online pa e habitantenan di Suriname y e parti Caribense di Reino. E festival anual Keti Koti cu ta sigui den Amsterdam, caminda nos ta celebra abolicion di sclavitud, lo tuma lugar igual cu aña pasa na Museumplein.

Fin di Aña di Conmemoracion di Sclavitud

E aña aki ta marca 1 di juli 2024 como fin oficial di Aña di Conmemoracion, 160 aña despues di abolicion legal di sclavitud. Durante e aña di conmemoracion 2023/2024, den Reino Hulandes nos a reflexiona riba e historia Hulandes di sclavitud transatlantico y riba e impacto actual di e historia aki. Den henter e pais tabatin varios actividad y evento organisa.

“Fin di e Aña di Conmemoracion di Sclavitud ta cerca y aña pasa a trece hopi pa nos. Pa loke ta trata tur sorto di iniciativa den sector cultural y tambe e diferente conmemoracionnan den Reino Toch ta importante pa nos sigui traha hunto pa sigui duna atencion na impacto di pasado di sclavitud transatlantico. “E efectonan di e historia aki ta bay mas leu cu ‘simbolismo di conmemoracion’. Enfoke permanente mester ta riba e proceso di ‘despues di e coma’ y di sanacion y restoracion,” segun Linda Nooitmeer, presidente di NiNsee.

Ministro Dijkgraaf, coordinador minister di Aña di Conmemoracion di Sclavitud: “Ta un momento special pa bolbe na e lugar caminda Rey a pidi disculpa un aña pasa y a pidi pordon pa pasado di sclavitud Hulandes. For di esey, na masha hopi luga den e pais tabatin iniciativa nobo pa reflexiona hunto riba e periodo doloroso di nos pasado comun y celebra e resiliencia di descendiente di esun cu a wordo esclavisa. Hunto nos a cuminsa un movicion cu no por cambia mas. Ta balioso pa nos para hunto riba esey y continua riba mesun paso despues di e Aña di Conmemoracion.”



‘Ken nos ta’ – un dialogo comunitario

Tambe despues di 1 di juli lo continua e enfoque riba pasado di sclavitud. Pasado di sclavitud ta un pasado di nos tur. Ta p’esey ta importante pa compronde kico a pasa y kico ta necesario pa restora esey. Pero hopi ciudadano tin poco conosemento tocante pasado di sclavitud y su impacto den sociedad di awor. For di dialogo cu descendiente a bini un tarea cla dilanti na Gobernacion di Reino pa

tene un dialogo comunitario amplio tocante e tema.

Tecu november, lo tin 25 luga den e pais, for di festival te na mercado y plaza caminda lo organisa gespekstarters. 'Ken nos ta' ta invita hende pa dialoga tocante pasado di esclavitud. E gespekstarter ta inspira pa, y un version grandi di, e wega 'Ken e ta. Participante lo descubri cua impacto pasado di esclavitud tin riba e sociedad. E meta ta cu hunto ta aumenta conosemento tocante nos pasado comun.

Den 'Ken nos ta' tin portret di hende cu na un manera of otro tin un conexion cu pasado di esclavitud. Den 'Ken nos ta' e participante ta pone na duda nan mes perspectiva y esnan di otro. Un guia di dialogo ta asisti nan den esaki. Den e proyecto aki nos ta traha hunto cu bureau Public Cinema, fundacion De Balie en artistiek vormgever Mathieu Wijdeven.



Bishita di trabou di sra. Huffelen, secretario di estado

Dordrecht 6 mei 2024

Durante e bishita na Dordrecht, secretario di estado a papia cu fundacion CECD (Centro Educativo Cultural di Dordrecht). E fundacion aki ta traha pa aumenta conocimiento y conscientisacion tocante pasado di esclavitud na Dordrecht.

Fundador Sidney Breidel y Ilce van Donkelaar a ricibi secretario di estado y a conta tocante nan trabou. Un parti climax di e bishita tabata inauguracion di nan oficina nobo den e Edificio di Station Dordrecht, posibilita pa colaboracion cu NS y Famia Insinger.

CECD, NS y Fundacion Insinger ta traha hunto pa haci pasado di esclavitud mas visibel. CECD ta organisa proyecto educativo, manera exposicion y reunion, bou di e slogan "Descubri, topa, brasa". Wethouder Rik van der Linden a enfatisa e importancia di e estudio aki.

Den Dordrecht, hopi parti ta traha pa un ciudad inclusivo. Un ehempel ta e obra di arte Mama Asia Dordrecht, cu ta simbolisa speransa y inspiracion.

E burgemeester infantil a bisa su deseo pa les tocante discriminacion y racismo, pa mucha bira consciente di historia y pa no ta discrimina mas.



Zwolle 13 mei 2024

Na Zwolle, secretario di estado Alexandra van Huffelen a papia cu Shirley Kambel y representante di ANNO Stadsmuseum Zwolle, un colaboracion entre Stichting

Allemaal Zwolle, Colection Overijssel y departamento di Patrimonio di Gemeente Zwolle.

Zwolle tin un historia rico, cu tabata tin e prome museo colonial di Hulanda. Durante e bishita nan a tene dialogo importante tocante con anda cu pasado di sclavitud y e paso necesario pa restauracion y sanacion.

Na juni aña pasa Overijssel a pidi disculpa pa su rol den pasado di sclavitud. Comicionario di Rey, Andries Heidema, a enfatisa e importancia di e reconocimiento aki y e efecto continuo di desigualdad den sociedad.



Hoorn 10 juni 2024

Durante e bishita na Hoorn, Alexandra van Huffelen a papia cu participante di e documentalio "HUMAN 2Doc: De stad, het Standbeeld en het Slavernijverleden" tocante impacto di pasado di sclavitud den e ciudad. Burgemeester Jan Nieuwenburg a ricibie y e ekipo den e historia Statenlogement y a papia tocante con Hoorn ta trata cu pasado aki, incluso estudio actual.

A pesar di cu tabatin diferente opinion tocante con pa trata cu pasado di sclavitud, e dialogo a bay respetuoso. Esaki ta muestra con hende ta trata diferente cu e historia aki, pero tin un concenso comun di e horor di e periodo ey.

E conversacion a enfatisa e importancia di colaboracion pa un Hoorn y Hulanda mas inclusivo, y a duna mas claridad tocante e proceso despues di e disculpa.



Pa finalisa

Tin asunto cu bo kier lesa bek den e boletin di noticia of kier papia cu nos tocante algo? Por fabor laga nos sa. Bo por contacta nos via:
PostbusProgrammaSlavernijverleden@minbzk.nl